



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærentem paternè ...**

Eisvogel, Veremund

Augustae Vindelic., 1727

4. S. Rosalia Virgo

[urn:nbn:de:hbz:466:1-52716](https://nbn-resolving.org/urn:nbn:de:hbz:466:1-52716)

*boni ex nobis ; Sed omnis sufficientia
ex Deo est. 2. Cor. 3.*

Instructio meritoria.

Singulis mensibus bis accedamus Ve-
nerabilem Patrem spirituales, consula-
mus, & an nulli in nobis advertantur er-
rores, excessus, vel offensæ magis nota-
biles, cordatè conveniamus. Si quæ
præscripserit media, citò exequamur.
Ne verò id nostris adscribamus viribus,
recitemus officium minus de Spiritu
Sancto. Ubi vult, hic Deus spirat.

Festum S. Rosaliæ Virginis Pa-
normitanæ & Patronæ contra pestem
per omnia regna, & Provincias Ro-
mani Imperii Honoratissimæ.

EXHORTATIUNCULA I.

ANtra, speluncam petamus, ô fili!
Inveniemus in his Virginem Ro-
saliæ in summa austeritate vitæ, & con-
temptu regiæ etiam amplitudinis Deo
suo suaviter fervientem. Sic nullus lo-
cus adeò squalidus, aut tetricus, ubi non
virtuti diversorium. Nec verus amor
refugit aspera. *Qui enim amat, non la-
bo-*

borat ; *Et omnis labor non amantibus
gravis est ; solus amor est , qui difficul-
tatis nomen erubescit.* S. August.

Instructio meritoria.

Cultum habeamus majorem, uti & munditiem specialem cubiculis, & cellis nostris, ubi sanè Officina multorum actuum heroicorum. Non patiamur ibi jacentes in terra sordes, & dum ingredimur, flectentes genua dicamus cum Regio Psalte : *Intraibo in domum tuam, Domine! Et reddam tibi vota, que distinxerunt labia mea.* Pro spiritu recollectionis dicamus Psalmum : *Quam dilecta tabernacula* &c. Omniaque SS. exercitia sine scabello instituamus. Flectimus coram Deo! Exinanite usque ad profundum!

II.

Solitaria nostræ non deerant coelestes deliciae. Tœdium, & horrorem asperæ adeò vitæ, quem suggestit daemon, acriter in seipsam sæviendò triumphavit S. Rosalia. Et nos! O mi chare! Inter hilaria, & amœnitates confidimus de victoria? Quid stolidius? Mollia ci-

tò cadunt. Stant firmiter heroica pectora. Qui corpus mulcet, pabulum sat pingue nutrit bufonibus. Corpus bene pastum rarò est castum.

Instructio meritoria.

Toedium, & nausea rerum spiritualium ô quàm multos jam abstulit Christo! Rarò sumus sine illo. Ad arma ergò! Quàm primùm toedere incipimus, ad ecclesiam, vel ad librum spiritualem, vel ad opus quoddam manuum confugiamus, clamantes ad Crucifixum: *Deus meus! Deus meus! Ut quid dereliquisti me!* Ut verò fortiter resistamus, ignem divini amoris, & Sancti Spiritûs imploremus per Lytanas de eodem divino Spiritu. O ignis, qui semper ardes, & nunquam extingueris! O amor, qui semper uris, & nunquam tepescis! Accende me, & accendar, ut totus diligam te. S. August.

III.

INventum S. Rosaliæ corpus liberavit totam Siciliam à lue, & contagione truculentissimâ. Quis jam neget, ô fili! Vitam in austeritatibus, & in poenitentia-

ten-

tentiâ transactam parere corporibus novum robur, & gloriam? O nos debiles! Quia deliciis assuescimus nimium! Delecte! potemur potius de torrente voluptatis Divinæ, ut nil jam mundanorum degustare libeat venenatæ dulcedinis. Hæc enecat; illa ad vitam æternam excitat.

Instructio meritoria.

Patriæ multa debemus! Solvamus devotione debita, quâ singulis annis hodiernum festum solemnius celebrabimus, aut sacrificandò, aut S. Synaxim suscipiendò, & Rhythmum illum ad Mariam persolvendo :

Stella cœli extirpavit,
 Quæ lactavit Dominum,
 Mortis pestem quam plantavit
 Primus parens hominum,
 Ipsa Stella nunc dignetur
 Sidera compescere,
 Quorum bella plebem cadunt
 Diro mortis ulcere.
 O gloriosa stella maris
 Pestiferis succurre morbis

Aud

Audi nos, nam te filius
Nihil negans honorat.
Salva nos Jesu! pro quibus
Virgo Mater te orat, Amen.

Ÿ. Ora pro nobis sancta Dei Genitrix.
R. Ut digni efficiamur promissionibus
Christi.

Oremus.

Deus misericordiæ, Deus pietatis,
Deus indulgentiæ, qui misertus es super
afflictionem populi tui, & dixisti an-
gelo percutienti populum tuum: sufficit,
nunc contine manum tuam; ob amo-
rem illius Stellæ gloriosæ, cujus ubera
pretiosa, contra venenum delictorum
nostrorum quàm dulciter suxisti: Præsta
auxilium gratiæ tuæ, ut ab omni peste, &
improvisa morte securè liberemur, & à
totius perditionis incursu salvemur, per
te Jesu Christe, Salvator mundi, Rex
gloriæ. Qui cum Patre, & Spiritu San-
cto vivis, & regnas Deus per omnia sæ-
cula sæculorum. Amen.

Oremus.

Exaudi nos quoque Deus, salutaris
noster, ut sicut de Beatæ Rosaliæ Virgi-
nis

nis

nis tuæ Festivitate gaudemus, ita piæ devotionis erudiamur affectu, & ejus intercessione ab iracundiæ tuæ flagellis misericorditer liberemur.

Festum S. Magni Abbatis ex
Ord. SS. P. Benedicti Sueviæ
Apostoli.

EXHORTATIUNCULA I.

Nomen prodidit, quis fuerit hic Vir coram Deo & omni populo? Magnus videlicet à sanctitate vitæ, & plenitudine virtutis. Magni æstimari desideramus? Fili! ut simus, & cum veritate dicamur: Cur non laboramus? Hocne profiteri Christianum? Solo nomine. Re, & opere negamus.

Instructio meritoria.

Magna Christiani Nominis dignitas! Ne minuat per nos, unum, vel alterum actum heroicum in abnegando appetitu concupiscibili, vel irascibili exerceamus, & ut superemus, in honorem S. Magni Psalmum recitemus: *Magnus Dominus, & laudabilis nimis cum tribus Patet & Ave.* SSS. Trinitas respiciet, &